

ごとく切りて乾し置き右の木葉の内にけづり込んで喰はしめて飢を救ひしとまうしき、いかあらん試むべし。

〔續日本後紀仁明〕承和七年六月庚申詔曰、哲后撫運寔約己而臨人明王會昌必推心而濟物是以義農隔代同期於勤勞勵華殊時共均於愛育朕祇膺景命嗣守丕基日慎塞懷不以九重自樂夕惕興想每以億兆爲憂而政化未孚至誠靡達去年陰陽並隔秋稼弗登頃者偏亢淹旬藝殖或損如聞諸國飢疫往々喪亡朕之菲虛黎元何罪仰稽前烈德是除邪內求諸心抑可挹損其朕服御物并常膳等並宜省減左右馬寮秣穀一切擁絕諸作役非要者量事且停狴圄之中恐有寃者速命所司申慮放出加之天下諸國有水之處任令百姓灌漑先貧後富鰥寡孤獨不能自存者量加賑贍其臥病之徒無人視養多致夭折凡國郡司爲民父母而不顧念豈稱子育宜就班穀藥令得存濟又免除五畿內七道諸國去承和二年以往調庸未進在民身者但東海東山山陽三道驛戶田租限三ヶ年殊從原免庶油雲布簇施甘澤於十旬嘉苗亘原貯京城於萬畝普告遐邇俾知朕意丙寅太政官左大臣正二位藤原朝臣緒嗣右大臣從二位皇太子傅藤原朝臣三守等奏曰伏奉今月十六日詔書稱去年陰陽並隔秋稼不登頃者偏亢淹旬藝殖或損御物并常膳等並宜減省者群臣跪讀不勝感歎但恩渙俄出甘澤平施鳳畛收黃龍原布綠神明不遠感應孔昭率土之濱誰不歡慶昔夏帝之解陽肝殷王之禱桑林以古况今抑須慙德臣等忝以散樗叨廁槐棘道非匡贊功謝緝熙覩懼之至倍百恒情今者帝念猶勞於上臣心何安於下埃塵不讓泰山居仰止之庭消滄无辭巨海作朝宗之府伏望暫減五位已上封祿以支萬一焉伏聽天裁庚午勅報公卿論奏曰運鍾季俗道謝潛通內求諸己政術多昧去年炎旱鳴蟬之稔不昇今夏騫陽封蟻之徵欲缺而上天反累惟神降休雨師俄奔於四溟甘澤終遍於八極是則卿等能施變復以申弼諧感動彼蒼用招燮理之所致也卿等贊揚嘉應歸于朕躬朕之菲德何以當之且夫年豐不効職朕之由蓄害仍臻何關輔相況大夫等或在屢空之地不能濟家或絕兼遂之心所恃唯秩所以